



ТӨРИЙН МЭДЭЭЛЭЛ

№ 49 (186)

МОНГОЛ УЛСЫН ХУУЛЬ:

- *Улс төрийн хилс хэрэгт хэллэгдэгчдийг цагаатгах, тэдэнд нөхөх олговор олгох тухай хуульд өөрчлөлт оруулах тухай*

МОНГОЛ УЛСЫН ЗАСГИЙН ГАЗРЫН ТОГТООЛ:

- *Засгийн газрын үйл ажиллагааны тэргүүлэх чиглэлийг батлах тухай*

Улсын Их Хурлын Тамгын газар

Улаанбаатар хот

2000 он



ТӨРИЙН МЭДЭЭЛЭЛ

МОНГОЛ УЛСЫН ИХ ХУРЛЫН АЛБАН МЭДЭЭЛЭЛ

Улаанбаатар хот 2000 оны арванхоёрдугаар сарын 27 №49 (186)

Гарчиг

Нэг. МОНГОЛ УЛСЫН ХУУЛЬ

521. Улс төрийн хилс хэрэгт хэлмэгдэгчдийг цагаатгах, тэдэнд нөхөх олговор олгох тухай хуульд өөрчлөлт оруулах тухай
(2000-12-8-ны хууль) 846

Хоёр. МОНГОЛ УЛСЫН ИХ ХУРЛЫН ТОГТООЛ

522. Монгол Улсын 2001 оны төвлөрсөн төсвийн хуулийг хэрэгжүүлэх арга хэмжээний тухай Дугаар 52 846
523. Байнгын хорооны бүрэлдэхүүнд өөрчлөлт оруулах тухай Дугаар 53 846

Гурав. МОНГОЛ УЛСЫН ЕРӨНХИЙЛӨГЧИЙН ЗАРЛИГ

524. Дүгэржавын Дулмаад Монгол Улсын аж үйлдвэрийн гавьяат ажилтан цол хүртээх тухай Дугаар 168 847
525. Хүнсний аж үйлдвэрийн салбарын зарим хүнийг одон, медалиар шагнах тухай Дугаар 169 847
526. Шүүгчийн албан тушаалаас чөлөөлөх тухай Дугаар 170 848
527. Зарим шүүхийн шүүгчийг томилж тухай Дугаар 171 848

Дөрөв. МОНГОЛ УЛСЫН ЗАСГИЙН ГАЗРЫН ТОГТООЛ

528. Төрийн өмчит үйлдвэрийн газар байгуулах тухай Дугаар 159 849
529. Засгийн газрын үйл ажиллагааны тэргүүлэх чиглэлийг батлах тухай Дугаар 161 851
530. Үндэсний хорооны бүрэлдэхүүнийг шинэчлэн батлах тухай Дугаар 163 852
531. Батлан хамгаалах яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөрийн тухай Дугаар 164 852
532. Зөвлөлийн бүрэлдэхүүн батлах, дүрэмд өөрчлөлт оруулах тухай Дугаар 166 861
533. Тогтоолд өөрчлөлт оруулах тухай Дугаар 168 861
534. Аялал жуулчлалын улсын хяналтын дүрэм батлах тухай Дугаар 169 862
535. Үндэсний зөвлөлийн бүрэлдэхүүний тухай Дугаар 170 864

Уншигчдын анхааралд

"Төрийн мэдээлэл" эмхтгэлийн 2000 оны арванхоёрдугаар сарын 05-ны өдрийн №45-д нийтлэгдсэн Монгол Улсын Төсвийн тухай хуульд нэмэлт, өөрчлөлт оруулах тухай 2000 оны 11 дүгээр сарын 16-ны өдрийн хуулийн 2 дугаар зүйлийн 2 дахь хэсэгт байгаа Төсвийн тухай хуулийн 8 дугаар зүйлийн 1 дэх хэсгийн 1 дэх заалтад "аж ахуйн нэгж, байгууллагын" гэсний дараа "таснал (,)" байх ёстой байтал манай ажилтны буруугаар таслалгүйгээр алдаатай хэвлэсэн байх тул хуулийн уг заалтыг дараахь байдлаар залруулж хэрэглэхийг мэдэгдье:

"1/ тухайн төсвийн жилд улсын төвлөрсөн төсөвтэй харьцахаар тогтоосон болон нийслэлийн нутаг дэвсгэрт үйл ажиллагаа явуулж байгаа аж ахуйн нэгж, байгууллагын, импортын барааны, мөн алтны борлуулалтад ногдох нэмэгдсэн өртгийн албан татвар"

УЛСЫН ИХ ХУРЛЫН ТАМГЫН ГАЗАР



МОНГОЛ УЛСЫН ХУУЛЬ

2000 оны 12 дугаар сарын 8-ны өдөр

Улаанбаатар хот

УЛС ТӨРИЙН ХИЛС ХЭРЭГТ ХЭЛМЭГДЭГЧДИЙГ ЦАГААТГАХ, ТЭДЭНД НӨХӨХ ОЛГОВОР ОЛГОХ ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1 дүгээр зүйл. Улс төрийн хилс хэрэгт хэлмэгдэгчдийг цагаатгах, тэдэнд нөхөх олговор олгох тухай хуулийн 6.3-ын "3 жилийн дотор" гэснийг "5 жилийн дотор"; 12.3-ын "энэ хууль хүчин төгөлдөр болсноос хойш 3 жил" гэснийг "2003 оны 2 дугаар

сарын 1-ний дотор" гэж тус тус өөрчилсүгэй.

МОНГОЛ УЛСЫН ИХ ХУРЛЫН ДАРГА

Л.ЭНЭБИШ

МОНГОЛ УЛСЫН ИХ ХУРЛЫН ТОГТООЛ

2000 оны 12 дугаар сарын 8-ны өдөр

Дугаар 52

Улаанбаатар хот

Монгол Улсын 2001 оны төвлөрсөн төсвийн хуулийг хэрэгжүүлэх арга хэмжээний тухай

Монгол Улсын Их Хурлаас ТОГТООХ нь:

1. Монгол Улсын 2001 оны төвлөрсөн төсвийн тухай хуулийг хэрэгжүүлэхтэй холбогдсон дараахь арга хэмжээ авч хэрэгжүүлэхийг Засгийн газар /Н.Энхбаяр/-т даалгасугай:

1/татвар ногдуулалт, хураалтыг эрс сайжруулан татварын орлогыг бүрэн төвлөрүүлэх, далд эдийн засгийг илрүүлэх бизнес, эрх зүйн орчныг бүрдүүлэх, татвар хураалтад төрийн захиргаанаас хяналт тавих байгууллагыг бий болгох чиглэлээр татварын албыг бэхжүүлэх асуудлыг яаралтай боловсруулж шийдвэрлүүлэх;

2/төсвийн орлого, нийгмийн даатгалын шимтгэлийн хураамжийг хуулийн дагуу бүрэн төвлөрүүлж төсөвт байгууллагуудын цалин, санхүүжилт, тэтгэвэр тэтгэмжийг хугацаанд нь олгож хэвшүүлэх;

3/төрийн нэрийн өмнөөс үйл ажиллагаа явуулж орлогоороо санхүүжиж байгаа төрийн захиргааны байгууллагуудын жилийн төсвийг батлан өгч, төсвийн давсан орлогыг нь төвлөрүүлж батлагдсан хэмжээгээр нь санхүүжүүлэх;

4/төсвийн байгууллагуудад үүссэн өр авлагыг судлан шийдвэрлэж, дахин өр үүсэхгүй байх нөхцөл бүрдүүлэх;

5/улс, орон нутгийн төсвийн эрх

захирагчдад тавих шаардлагыг чангатган төсвийг зориулалт бусаар зарцуулсан тохиолдолд тэднийг уг ажилдаа тэнцэж байгаа эсэхийг заавал авч хэлэлцэж шийдвэр гаргадаг болох, орлогын эх үүсвэр олж нэмэгдүүлсэн, зардал хэмнэсэн тохиолдолд урамшуулах механизм тогтоох;

6/төсвийн хөрөнгийн зарцуулалтад тавих санхүүгийн хяналт, сахилгыг бүх шатанд хүчтэй болгох;

7/улс орны нийгэм, эдийн засаг, төсвийн нөхцөл байдлын талаар олон нийтэд бодитойгоор ойлгуулах, сурталчлах ажлыг тогтмол хийж байх.

2.Төсвийн байгууллагуудын бүтэц, зохион байгуулалтын шинэчлэлтийг төсвийн байгууллагын удирдлага, санхүүжилтийн шинэ тогтолцоог туршин нэвтрүүлэх ажилтай нягт уялдуулан зохион байгуулж, зардал хэмнэлтийн хатуу горим мөрдүүлэх;

3.Энэ тогтоолын хэрэгжилтэд хяналт тавьж ажиллахыг Төсвийн байнгын хороо /Н.Баяртсайхан/-д үүрэг болгосугай.

МОНГОЛ УЛСЫН ИХ ХУРЛЫН ДАРГА

Л.ЭНЭБИШ

МОНГОЛ УЛСЫН ИХ ХУРЛЫН ТОГТООЛ

2000 оны 12 дугаар сарын 15-ны өдөр

Дугаар 53

Улаанбаатар хот

Байнгын хорооны бүрэлдэхүүнд өөрчлөлт оруулах тухай

Монгол Улсын Их Хурлын тухай хуулийн 24 дүгээр зүйлийн 1 дэх хэсэг, Монгол Улсын Их Хурлын гишүүний эрх зүйн байдлын тухай хуулийн 7 дугаар зүйлийн 1 дэх хэсгийн 5 дахь заалтыг үндэслэн Монгол Улсын Их Хурлаас ТОГТООХ нь:

Улсын Их Хурлын гишүүн Л.Гүндалайн хүсэлтийг харгалзан түүнийг Байгаль орчин,

хөдөөгийн хөгжлийн байнгын хорооны бүрэлдэхүүнээс чөлөөлж, Эдийн засгийн байнгын хорооны гишүүнээр баталсугай.

МОНГОЛ УЛСЫН ИХ ХУРЛЫН ДАРГА

Л.ЭНЭБИШ



МОНГОЛ УЛСЫН ЕРӨНХИЙЛӨГЧИЙН ЗАРЛИГ

2000 оны 12 дугаар сарын 07-ны өдөр

Дугаар 168

Улаанбаатар хот

Дүгэржавын Дулмаад Монгол Улсын аж үйлдвэрийн гавьяат ажилтан цол хүртээх тухай

Хүнсний аж үйлдвэрийн салбарт олон жил үр бүтээлтэй ажиллаж бүтээгдэхүүний нэр төрлийг опшруулах, чанарыг дээшлүүлэх, үйлдвэрлэлийг нэмэгдүүлэх, хүн амын хүнсний хангамжийг сайжруулахад болон залуу ажилчдыг сургаж дадлагажуулахад оруулж байгаа хувь нэмрийг нь үнэлж чихэр, боовны үйлдвэрлэлийн "Дээж стар"

ХХК-ийн ажилчин Дүгэржавын Дулмаад Монгол Улсын аж үйлдвэрийн гавьяат ажилтан цол хүртээсүгэй.

МОНГОЛ УЛСЫН ЕРӨНХИЙЛӨГЧ

Н.БАГАБАНДИ

МОНГОЛ УЛСЫН ЕРӨНХИЙЛӨГЧИЙН ЗАРЛИГ

2000 оны 12 дугаар сарын 07-ны өдөр

Дугаар 169

Улаанбаатар хот

Хүнсний аж үйлдвэрийн салбарт олон жил үр бүтээлтэй ажиллаж байгаа дор дурдсан хүмүүсийг одон, медалиар шагнасуугай.

ХӨДӨЛМӨРИЙН ГАВЪЯАНЫ УЛААН ТУГИЙН ОДОНГООР:

- | | |
|----------------------------|---|
| 1. Гончигийн Гомбо | - Техникийн их сургуулийн хүнсний технологийн сургуулийн захирал |
| 2. Дашийн Пүрэвжав | - Нийслэлийн үйлдвэрлэл, худалдааны "Талх чихэр" ХК-ийн ерөнхий менежер |
| 3. Цэцэгээгийн Хишигтогтох | - Нийслэлийн үйлдвэрлэл, худалдааны "Өгөөж-Чихэр боов" ХХК-ийн засварчин |
| 4. Лхагвын Янжин | - Нийслэлийн үйлдвэрлэл, худалдааны "Талх чихэр" ХК-ийн гоймонгийн үйлдвэрийн дарга |

"АЛТАН ГАДАС" ОДОНГООР:

- | | |
|---------------------------------|---|
| 1. Лхасүрэнгийн Авидсүрэн | - Нийслэлийн үйлдвэрлэл, худалдааны "Өгөөж-Чихэр боов" ХХК-ийн засварчин |
| 2. Жигжавын Бавуу | - Дархан-Уул аймгийн "Дархан хүнс" ХК-ийн менежер |
| 3. Гунгаагийн Бадрах | - Сүхбаатар аймгийн Баруун-Урт сумын "Эрдэнэ хүнс трейд" ХК-ийн ерөнхий захирал |
| 4. Дагвын Банзрагч | - Дархан-Уул аймгийн "Дархан хүнс" ХК-ийн гүйцэтгэх захирал |
| 5. Бариаширийн Галбадрах | - Нийслэлийн үйлдвэрлэл, худалдааны "Нийслэл Өргөө" ХК-ийн ажилчин |
| 6. Темер-Очирын Жүгдэрмаа | - Нийслэлийн "АПУ" ХК-ийн химич |
| 7. Аюушийн Отгон | - Улаанбаатар хотын Захирагчийн албаны мэргэжилтэн |
| 8. Ламжавын Пагамдулам | - Нийслэлийн үйлдвэрлэл, үйлчилгээний "Монсүү" ХК-ийн ерөнхий технологич |
| 9. Даржаагийн Пүрэвэ | - Монголын цагаан идээ үйлдвэрлэгчдийн холбооны ерөнхий зөвлөх |
| 10. Мажигсүрэнгийн Ренчинтогтох | - Сүхбаатар аймгийн Баруун-Урт сумын "Сүхбаатар хүнс" ХХК-ийн захирал |
| 11. Довдонгийн Содномрэнцэн | - Баянхонгор аймгийн Баянхонгор сумын "Түйн тас" ХХК-ийн захирал |
| 12. Дэлэгдоогийн Цэцэгмаа | - Баянхонгор аймгийн Баянхонгор сумын "Илч трейд" ХХК-ийн захирал |
| 13. Гончигийн Чимэддорж | - Нийслэлийн "Махимпекс" ХК-ийн ажилчин |
| 14. Пунцагийн Юмжир | - Баянхонгор аймгийн Баянхонгор сумын "Илч трейд" ХХК-ийн мастер |
| 15. Навааншүхэрийн Ядамсүрэн | - Нийслэлийн үйлдвэрлэл, худалдааны "Талх чихэр" ХК-ийн инженерийн албаны дарга |

ХӨДӨЛМӨРИЙН ХҮНДЭТ МЕДАЛИАР:

- | | |
|-----------------------------|---|
| 1. Роломжавын Батбаяр | - Нийслэлийн "Махимпекс" ХК-ийн мастер |
| 2. Гундсамбуугийн Болд | - Нийслэлийн "АПУ" ХК-ийн мэргэжилтэн |
| 3. Жадамбаагийн Бямбасүрэн | - Нийслэлийн үйлдвэрлэл, худалдааны "Өгөөж-Чихэр боов" ХХК-ийн жолооч |
| 4. Гүрэвийн Гуржав | - Нийслэлийн "АПУ" ХК-ийн үйлчлэгч |
| 5. Лувсандоржийн Дагийсүрэн | - Нийслэлийн "АПУ" ХК-ийн ажилчин |
| 6. Очирын Жанчивдорж | - Нийслэлийн "Махимпекс" ХК-ийн ажилчин |
| 7. Чойжамцын Ичинхорлоо | - Архангай аймгийн Эрдэнэбулган сумын "Хүнс-Ар" ХК-ийн ажилчин |
| 8. Нямцэрэнгийн Мөнхцэцэг | - Дундговь аймгийн Сайнцагаан сумын "Говийн тэнгэр" ХХК-ийн ажилчин |
| 9. Мандахын Намчин | - Увс аймгийн Улаангом сумын "Хүнс-Увс" ХК-ийн ажилчин |
| 10. Гээдэнгийн Орлом | - Дархан-уул аймгийн "Дархан хүнс" ХК-ийн мастер |
| 11. Цэнджавын Оюунчулуу | - Нийслэлийн "Махимпекс" ХК-ийн ажилчин |
| 12. Жамбалдоржийн Өнөрцэцэг | - Сүхбаатар аймгийн Баруун-Урт сумын "Эрдэнэ хүнс трейд" ХХК-ийн технологич |
| 13. Дагдангийн Сумъяа | - Архангай аймгийн Эрдэнэбулган сумын "Хүнс-Ар" ХК-ийн ажилчин |
| 14. Пэлжээгийн Хандсүрэн | - Дархан-Уул аймгийн "Дарханхүнс" ХК-ийн мастер |
| 15. Нацагдоржийн Чинтогтох | - Нийслэлийн үйлдвэрлэл, худалдааны "Гурван-Од" ХХК-ийн мэргэжилтэн |

МОНГОЛ УЛСЫН ЕРӨНХИЙЛӨГЧ

Н.БАГАБАНДИ

МОНГОЛ УЛСЫН ЕРӨНХИЙЛӨГЧИЙН ЗАРЛИГ

2000 оны 12 дугаар сарын 18-ны өдөр

Дугаар 170

Улаанбаатар хот

Шүүгчийн албан тушаалаас чөлөөлөх тухай

Монгол Улсын "Шүүхийн тухай" хуулийн 51 дүгээр зүйлийн 1 дэх хэсгийн 1,2 дахь заалтыг баримтлан, Шүүхийн ерөнхий зөвлөлийн саналыг үндэслэн ЗАРЛИГ болгох нь:

Өөрөө шлээлт гаргасан Дагвадоржийн Цолмонг Булган аймаг дахь сум дундын шүүхийн шүүгчийн, Чулуунбаатарын Энхтуяаг Сүхбаатар аймаг дахь сум дундын шүүхийн шүүгчийн, өөр шатны шүүхэд шилжин ажиллах болсон тул Агвааны

Сугарсүрэнг Дундговь аймаг дахь сум дундын шүүхийн шүүгч, Ерөнхий шүүгчийн, Тумагийн Цэцэгмааг Ховд аймаг дахь сум дундын 1-дүгээр шүүхийн шүүгчийн албан тушаалаас тус тус чөлөөлсүгэй.

МОНГОЛ УЛСЫН
ЕРӨНХИЙЛӨГЧ

Н.БАГАБАНДИ

МОНГОЛ УЛСЫН ЕРӨНХИЙЛӨГЧИЙН ЗАРЛИГ

2000 оны 12 дугаар сарын 18-ны өдөр

Дугаар 171

Улаанбаатар хот

Зарим шүүхийн шүүгчийг томилох тухай

Монгол Улсын Үндсэн хуулийн тавин нэгдүгээр зүйлийн 2, "Шүүхийн тухай" хуулийн 6-дугаар зүйлийн 2,4 дэх хэсгийг баримтлан, Шүүхийн ерөнхий зөвлөлийн саналыг үндэслэн ЗАРЛИГ болгох нь:

Тумагийн Цэцэгмааг Ховд аймгийн шүүхийн шүүгчийн, Агвааны Сугарсүрэнг Дундговь аймгийн шүүхийн шүүгчийн, Чойдонгийн Дулмааг Увс аймгийн шүүхийн шүүгчийн, Гомбын Нямхүүг

Сүхбаатар аймаг дахь сум дундын шүүхийн шүүгчийн, Бэгзийн Дамбыг Ховд аймаг дахь сум дундын 1-дүгээр шүүхийн шүүгчийн, Нямжавын Туяаг Ховд аймаг дахь сум дундын 2-дугаар шүүхийн Ерөнхий шүүгчийн албан тушаалд тус тус томилсугай.

МОНГОЛ УЛСЫН
ЕРӨНХИЙЛӨГЧ

Н.БАГАБАНДИ

МОНГОЛ УЛСЫН ЗАСГИЙН ГАЗРЫН ТОГТООЛ

2000 оны 10 дугаар сарын 18-ны өдөр

Дугаар 159

Улаанбаатар хот

Төрийн өмчит үйлдвэрийн газар байгуулах тухай

Төрийн болон орон нутгийн өмчийн тухай хуулийн 9 дүгээр зүйлийн 5-д заасныг үндэслэн Монгол Улсын Засгийн газраас ТОГТООХ нь:

1. "Даланзадгадын дулааны цахилгаан станц" төрийн өмчит үйлдвэрийн газрыг байгуулсугай.

2. "Даланзадгадын дулааны цахилгаан

станц" төрийн өмчит үйлдвэрийн газрын дүрмийг хавсралт ёсоор баталсугай.

МОНГОЛ УЛСЫН ЕРӨНХИЙ САЙД

Н.ЭНХБАЯР

ДЭД БУТЦИЙН САЙД

Б.ЖИГЖИД

Засгийн газрын 2000 оны 159 дүгээр тогтоолын хавсралт

"ДАЛАНЗАДГАДЫН ДУЛААНЫ ЦАХИЛГААН СТАНЦ" ТӨРИЙН ӨМЧИТ ҮЙЛДВЭРИЙН ГАЗРЫН ДҮРЭМ

Нэг. Нийтлэг үндэслэл

хангах арга хэмжээг зохион байгуулж шийдвэрлэх;

1. Даланзадгадын дулааны цахилгаан станц (цаашид "станц" гэнэ) нь хэрэглэгчдийг цахилгаан, дулааны эрчим хүчээр хангах үүрэг бүхий төрийн өмчит үйлдвэрийн газар мөн.

г/станцын ашиглалт, засвар үйлчилгээний түвшинг байнга дээшлүүлэх;

2. Станцын үндсэн зорилт нь эрчим хүчний үйлдвэрлэлийн найдвартай ажиллагааг хангах, цахилгаан, дулааны эрчим хүчний үйлдвэрлэл, хуваарилалтыг оновчтой хийж, хэрэглэгчдийг эрчим хүчээр найдвартай хангахад оршино.

д/эрчим хүчний хөгжлийн бодлогын хүрээнд хэрэгжих техникийн шинэчлэл, тэргүүний техник, технологийг нэвтрүүлэх;

3. Станц нь Эрчим хүчний тухай хууль болон бусад холбогдох хууль тогтоомж, энэхүү дүрмийг удирдлага болгон үйл ажиллагаагаа бие даан явуулна.

е/эрчим хүчний үйлдвэрлэл, дамжуулалт, хуваарилалт, хэрэглээнд хэмнэлтийн бодлогыг хэрэгжүүлэх;

4. Станц нь тогтоогдсон журмаар хийлгэсэн тэмдэг, албан бичгийн хэвлэмэл хуудас хэрэглэнэ.

ж/тоног төхөөрөмжийн найдвартай, эдийн засгийн үр ашигтай ажиллагаанд хяналт тавьж, хөдөлмөр хамгаалал, аюулгүй ажиллагааны дүрэм, техник ашиглалтын дүрмийг мөрдөж ажиллах.

Хоёр. Станцын үүрэг

Гурав. Станцын эрх

5. Даланзадгадын дулааны цахилгаан станц нь үндсэн зорилгоо хэрэгжүүлэхээр дараахь үйл ажиллагааг явуулна:

6. Даланзадгадын дулааны цахилгаан станц нь үндсэн зорилгоо хэрэгжүүлэхдээ дараахь эрхтэй байна:

а/хэрэглэгчдийг эрчим хүчээр жигд, найдвартай хангах арга хэмжээг авч хэрэгжүүлэх;

а/эрчим хүчний үнэ, тарифыг тогтоох санал боловсруулж, холбогдох байгууллагаар батлуулах;

б/эрчим хүчний салбарын бодлогыг тухайн нутаг дэвсгэрийн хэмжээнд хэрэгжүүлэх, мэргэжил, арга зүйн удирдлагаар хангах;

б/үйл ажиллагааныхаа чиглэлээр бие даан гадаад худалдаа эрхлэх, эрхэлсэн асуудлаараа гадаад орон, олон улсын болон мэргэжлийн байгууллагатай харилцаж тогтоосон журмын дагуу гэрээ байгуулах, мэдээлэл солилцох;

в/станцын мэргэжлийн ажилтан бэлтгэх, давтан сургах, мэргэшлийг нь дээшлүүлэх, тэдний ажиллах нөхцөл, нийгмийн баталгааг

в/Засгийн газрын болон Засгийн газрын бус байгууллагатай гэрээ байгуулах;

г/өөрт олгогдсон үл хөдлөх хөрөнгийг энэхүү дүрэмд заасан үйл ажиллагааныхаа зорилгод нийцүүлэн эзэмших, ашиглах;

д/Төрийн болон орон нутгийн өмчийн тухай хууль"-д заасан эрх хэмжээний дотор үндсэн хөрөнгийг захиран зарцуулах;

е/өөрийн чиг үүргээ хэрэгжүүлэх зорилгоор зохих журмын дагуу зээл авч ашиглах;

ж/Үйлдвэрлэлийн үйл ажиллагааны үр дүнд олсон ашгаас эрх бүхий байгууллагаас баталсан нормативт хэмжээгээр өөртөө үлдээж захиран зарцуулах;

з/Үйлдвэрлэсэн бүтээгдэхүүнээ өөрөө бие даан борлуулах.

Дөрөв. Станцын эд хөрөнгө

7. Станцын эд хөрөнгө нь үндсэн болон эргэлтийн хөрөнгө, санхүүгийн бусад нөөцөөс бүрдэнэ.

8. Станцын хөрөнгийг бүрдүүлэх эх үүсвэр нь:

а/зээл, төсвийн хөрөнгө;

б/хууль ёсоор олж авсан бусад хөрөнгө;

в/өөрийн үйл ажиллагааны үр дүнд олсон ашгаас эрх бүхий байгууллагаас баталсан нормативт хэмжээгээр өөрт үлдэх ашиг.

9. Станцын эд хөрөнгийг "Нягтлан бодох бүртгэлийн тухай хууль"-ийн 7 дугаар зүйлд заасан журмаар үнэлж бүртгэнэ.

Тав. Удирдлага

10. Станцын даргыг Төрийн өмчийн хороо Дэд бүтцийн яамтай зөвшилцөн томилж, чөлөөлнө.

11. Станцын дарга нь үйлдвэрлэлийн үйл ажиллагааг шууд удирдлагаар хангаж, түүний зорилт, үүргийг хэрэгжүүлэх, үр ашигтай ажиллуулахаар Төрийн өмчийн хорооны даргатай үр дүнгийн гэрээ байгуулан ажиллана.

12. Станцын дарга нь станцын захиргааны бүтэц, орон тоог тогтоон, ажиллагсдыг томилж, чөлөөлөх бөгөөд батлагдсан цалингийн бүдүүвч сангийн хэмжээнд багтаан цалинг тогтоох, ажиллагсдад олгох буцалтгүй тусламжийн

хэмжээ, олгох нөхцөл журмыг баталж мөрдүүлнэ.

13. Станцын дотоод зохион байгуулалт, үйл ажиллагаатай холбогдолтой асуудлыг станцын дарга бие даан шийдвэрлэнэ. Станцын дарга хууль тогтоомж, эрх бүхий байгууллагаас гаргасан эрх зүйн актад нийцүүлэн тушаал гаргана.

14. Зохих хуульд заасны дагуу даргын (захирлын) зөвлөл байгуулж ажиллуулж болно.

15. Станцын ерөнхий инженер, ерөнхий нягтлан бодогчийг станцын даргын саналыг үндэслэн Эрчим хүчний удирдах газрын даргын тушаалаар томилж, чөлөөлнө.

Зургаа. Эдийн засгийн үйл ажиллагаа

16. Станцын эдийн засгийн үйл ажиллагаа нь жил бүрийн үйлдвэрлэл, түүний үр ашиг, орлогыг тодорхой тусгаж, зохих газруудаар батлуулсан бизнес төлөвлөгөөний дагуу явагдана.

17. Хууль тогтоомжийн дагуу орлогын болон бусад татвар, хураамжийг төлнө.

18. Эрх бүхий байгууллагаас баталсан журмын дагуу ногдол ашгийг төсөвт оруулна.

19. Зохих журмын дагуу тайлан тэнцлийг улирлаар гаргаж Төрийн өмчийн хороо, холбогдох татварын алба, санхүүгийн байгууллагад хүргүүлнэ.

20. Өмч хөрөнгийн хадгалалт, хамгаалалт, хөдөлгөөнд бүртгэлээр тавих хяналтыг үйлдвэрийн захиргаа хариуцна.

Долоо. Хариуцлага

21. Станцын удирдлага нь Монгол улсын хууль тогтоомж, энэхүү дүрмээр хүлээсэн үүргээ биелүүлээгүй буюу зөрчсөн тохиолдолд холбогдох хууль тогтоомжийн дагуу хариуцлага хүлээнэ.

Найм. Станцыг өөрчлөн байгуулах, татан буулгах

22. Станцыг холбогдох яам болон Төрийн өмчийн хорооны санал болгосноор Засгийн газар өөрчлөн байгуулж, татан буулгана. Станц нь зохих журмын дагуу улсын бүртгэлд бүртгүүлнэ.



МОНГОЛ УЛСЫН ЗАСГИЙН ГАЗРЫН ТОГТООЛ

2000 оны 10 дугаар сарын 23-ны өдөр

Дугаар 161

Улаанбаатар хот

Засгийн газрын үйл ажиллагааны тэргүүлэх чиглэлийг батлах тухай

Монгол Улсын Их Хурлын 2000 оны 33 дугаар тогтоолоор баталсан Засгийн газрын үйл ажиллагааны хөтөлбөрийг хэрэгжүүлэх ажлыг эрчимжүүлэх зорилгоор Монгол Улсын Засгийн газраас ТОГТООХ нь:

1. Монгол Улсын Засгийн газрын үйл ажиллагааны тэргүүлэх чиглэлийг хавсралт ёсоор баталсугай.

2. Монгол Улсын Засгийн газрын үйл ажиллагааны хөтөлбөрийн биелэлтийг хангахтай холбогдсон удирдлага, зохион байгуулалтын бүх төрлийн арга хэмжээг Засгийн газрын үйл ажиллагааны тэргүүлэх чиглэлийг

хэрэгжүүлэх ажилтай нягт уялдуулан зохион байгуулахын хамт энэхүү үйл ажиллагаанд төрийн захиргааны төв болон орон нутгийн бүх шатны байгууллага, түүнчлэн төрийн бус, хувийн хэвшил, хэвлэл мэдээлэл, эрдэм шинжилгээний байгууллага, иргэдийг татан оролцуулах чиглэлээр ажиллахыг сайд, бүх шатны Засаг дарга нарт даалгасугай.

МОНГОЛ УЛСЫН ЕРӨНХИЙ САЙД

Н.ЭНХБАЯР

ЗАСГИЙН ГАЗРЫН ГИШҮҮН,
ЗАСГИЙН ГАЗРЫН ХЭРЭГ
ЭРХЛЭХ ГАЗРЫН ДАРГА Ө.ЭНХТҮВШИН

Засгийн газрын 2000 оны 161 дүгээр тогтоолын хавсралт

МОНГОЛ УЛСЫН ЗАСГИЙН ГАЗРЫН ҮЙЛ АЖИЛЛАГААНЫ ТЭРГҮҮЛЭХ ЧИГЛЭЛ

1. Макро эдийн засгийн тогтворжилтыг ханган шинэчлэлийг гүнзгийрүүлж, бүтцийн өөрчлөлтийг эрчимжүүлэх

2. Банк, санхүүгийн тогтолцоог эрүүлжүүлэх

3. Үндэсний үйлдвэрлэлийг сэргээн хөгжүүлэх, экспортод чиглэсэн үйлдвэрлэлийг дэмжих замаар эдийн засгийн өсөлтийг хангах

4. Бүс нутаг, хөдөөгийн хөгжлийг дэмжиж, дэд бүтцийг түлхүү хөгжүүлэх

5. Хүний хөгжлийг хангах тэгш орчин бүрдүүлж, бүх шатны боловсролын чанар, эрүүл мэндийн тусламж, үйлчилгээний хүртээмжийг дээшлүүлэх.

6. Ажилгүйдэл, ядуурлыг бууруулж, ард иргэдийн амьжиргааны түвшинг дээшлүүлэх

7. Тогтвортой хөгжил, экологийн тэнцвэрт байдлыг хангах байгаль орчны бодлогыг бүс

нутгийн нийгэм-эдийн засгийн хөгжлийн чиглэлтэй уялдуулан хэрэгжүүлэх.

8. Газрын шинэтгэлийг эрчимжүүлэх

9. Томоохон хот, суурин газруудын агаар, ус, хөрсний бохирдлыг бууруулж, хог хаягдлыг дахин боловсруулах замаар иргэдийн амьдрах орчныг сайжруулах

10. Засаглалын хямралыг арилгаж, хүний аюулгүй байдлыг хангах сайн засаглалыг бүрдүүлэх

11. Шүүх засаглалын хараат бус бие даасан байдал, хэвлэл мэдээллийн эрх чөлөөг хангах замаар иргэн бүрийн үндсэн эрх, эрх чөлөө, ардчиллын тулгуур зарчмыг баталгаатай хамгаалсан өндөр ёс суртахуун бүхий иргэний ардчилсан нийгмийг төлөвшүүлэх.



МОНГОЛ УЛСЫН ЗАСГИЙН ГАЗРЫН ТОГТООЛ

2000 оны 10 дугаар сарын 25-ны өдөр

Дугаар 163

Улаанбаатар хот

Үндэсний хорооны бүрэлдэхүүнийг шинэчлэн батлах тухай

НҮБ-ын Ерөнхий Ассамблей, Дэлхийн цаг уурын байгууллагын зөвлөмж, Уур амьсгалын өөрчлөлтийн тухай НҮБ-ын суурь конвенцийн хүрээнд хүлээсэн үүргээ биелүүлэх, түүний хэрэгжилтийн түвшинг үндэсний хүрээнд хангах зорилгоор Монгол Улсын Засгийн газраас ТОГТООХ нь:

1. Уур амьсгалын Үндэсний хорооны бүрэлдэхүүнийг дор дурдсанаар шинэчлэн баталсугай:

- Дарга -Байгаль орчны сайд.
- Дэд дарга -Хүнс, хөдөө аж ахуйн дэд сайд.
- Гишүүд: -Эрүүл мэндийн яамны Бодлогын хэрэгжилтийг зохицуулах газрын дарга;
- Санхүү, эдийн засгийн яамны Эдийн засгийн нэгдсэн бодлого, төлөвлөлтийн газрын дарга;
- Гадаад хэргийн яамны Олон талт хамтын ажиллагааны газрын дарга;
- Хүнс, хөдөө аж ахуйн яамны Стратегийн төлөвлөлт, бодлогын газрын дарга;

- Шинжлэх ухааны академийн дэд ерөнхийлөгч (тохиролцсоноор);
- Байгаль орчны яамны Хамтын ажиллагааны хэлтсийн мэргэжилтэн;
- Уур амьсгалын өөрчлөлтийн тухай НҮБ-ын үндэсний зохицуулагч;
- Тогтвортой хөгжлийн үндэсний зөвлөлийн нарийн бичгийн дарга.
- Ус, цаг уур, орчны шинжилгээний газрын дарга.

2. Энэ тогтоол гарсантай холбогдуулан "Уур амьсгалын Үндэсний хорооны бүрэлдэхүүн батлах тухай" Засгийн газрын 1999 оны 2 дугаар сарын 24-ний өдрийн 31 дүгээр тогтоолыг хүчингүй болсонд тооцсугай.

МОНГОЛ УЛСЫН ЕРӨНХИЙ САЙД

Н.ЭНХБАЯР

БАЙГАЛЬ ОРЧНЫ САЙД

У.БАРСБОЛД

МОНГОЛ УЛСЫН ЗАСГИЙН ГАЗРЫН ТОГТООЛ

2000 оны 10 дугаар сарын 25-ны өдөр

Дугаар 164

Улаанбаатар хот

Батлан хамгаалах яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөрийн тухай

Монгол Улсын Засгийн газраас ТОГТООХ нь:

1. "Батлан хамгаалах яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөр"-ийг хавсралт ёсоор зөвшөөрсүгэй.
2. Энэ тогтоол гарсантай холбогдуулан "Батлан хамгаалах яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөрийг зөвшөөрөх, тус яамны бүтцийг батлах

тухай" Засгийн газрын 1997 оны 6 дугаар сарын 11-ний өдрийн 141 дүгээр тогтоолыг хүчингүй болсонд тооцсугай.

МОНГОЛ УЛСЫН ЕРӨНХИЙ САЙД

Н.ЭНХБАЯР

БАТЛАН ХАМГААЛАХЫН САЙД

Ж.ГҮРРАГЧАА

Засгийн газрын 2000 оны 164 дүгээр тогтоолын хавсралт

БАТЛАН ХАМГААЛАХ ЯАМНЫ ҮЙЛ АЖИЛЛАГААНЫ СТРАТЕГИ, ЗОХИОН БАЙГУУЛАЛТЫН БҮТЦИЙН ӨӨРЧЛӨЛТИЙН ХӨТӨЛБӨР

1.0. НИЙТЛЭГ ҮНДЭСЛЭЛ

Батлан хамгаалах яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөр /цаашид

1.1. Оршил

"хөтөлбөр" гэнэ/-т Батлан хамгаалахын сайдын болон Засгийн газрын Танхимын шийдвэрийг боловсруулан гаргах, хэрэгжүүлэхэд дэмжлэг үзүүлэхэд чиглэсэн стратегийн төлөвлөлт, бодлогын удирдамж, төрийн захиргааны удирдлага, зохицуулалтаар хангах, бодлогын хэрэгжилтэд хяналт-шинжилгээ /мониторинг/ хийх, үр дүнд нь үнэлгээ өгөх асуудлыг хамарсан Батлан хамгаалах яамны үйл ажиллагааны стратегийн болон бүтцийн загварыг тодорхойлов.

1.2. Үндэслэл

Хөтөлбөрийг Улсын Их Хурлын 1996 оны 38 дугаар тогтоолоор зөвшөөрсөн "Монгол Улсын төрөөс Засгийн газрын үйл ажиллагааны чиглэл, бүтцийн ерөнхий тогтолцооны өөрчлөлт, шинэчлэлийн талаар баримтлах бодлого"-ын баримт бичиг, Засгийн газрын 1996 оны 205 дугаар тогтоолоор зөвшөөрсөн "Засгийн газрын Хэрэг эрхлэх газрын үйл ажиллагааны стратеги, зохион байгуулалтын бүтцийн өөрчлөлтийн хөтөлбөр", Засгийн газрын Удирдлагын хөгжлийн хөтөлбөрийн "Төрийн захиргаа, төрийн албаны өөрчлөлт, шинэчлэл" бүрэлдэхүүн хэсгийн МОН/94/102 төслийн хүрээнд боловсруулан "Батлан хамгаалах яамны үйл ажиллагааны стратеги, бүтцийн ерөнхий загвар" төслийн тайланг тус тус үндэслэн боловсруулав.

1.3. Хууль тогтоомжийн орчин

Хөтөлбөрийг дор дурдсан хууль тогтоомжийн хүрээнд хэрэгжүүлнэ:

- Монгол Улсын Үндсэн хууль;
- Монгол Улсын Засгийн газрын тухай хууль;
- Монгол Улсын Батлан хамгаалах тухай хууль;
- Монгол Улсын Хилийн тухай хууль
- Монгол Улсын Иргэний хамгаалалтын тухай хууль;
- Монгол Улсын Засаг захиргаа, нутаг

дэвсгэрийн нэгж, түүний удирдлагын тухай хууль;

-Монгол Улсын Төрийн албаны тухай хууль;

-Төрийн цэргийн бодлогын үндэс;

-Бусад хууль тогтоомж.

1.4. Арга зүй

Хөтөлбөрийг боловсруулахад олон улсын туршлага, өөрчлөлтийн удирдлага, үйл ажиллагаа /бизнес/-ны төлөвлөлт болон дахин инженерчлэл, байгууллагын өөрчлөлтийн зэрэг арга зүйг хэрэглэв.

1.5. Чиглэлийн яамны үүрэг хариуцлагын ерөнхий хуваарь

Чиглэлийн яамдын нэг болох Батлан хамгаалах яам нь Засгийн газрын үйл ажиллагааны стратегийг хэрэгжүүлэх талаар үүрэг хариуцлага хүлээж, Батлан хамгаалахын сайд, Засгийн газрын Танхимд бүх талын зөвлөгөө, дэмжлэг үзүүлнэ.


Батлан хамгаалах яам нь стратегийн бодлого, төлөвлөлт болон салбарын төсвийн зарцуулалтын тэнцвэр, харилцан уялдаа холбоог хангах асуудалд Засгийн газар, яамны өндөрлөгөөс өргөн хүрээтэй хандаж, зөв зохистой удирдахад анхаарлаа төвлөрүүлнэ.

Засгийн газрын зорилт, чиг үүргийг хэрэгжүүлэх үүрэг бүхий чиглэлийн яамдын нэг болох Батлан хамгаалах яам нь Засгийн газрын батлан хамгаалахын зөвлөхийн үүрэг, хариуцлагыг хүлээнэ.

1.6. Стратегийн удирдлага, зохицуулалтын хэрэгцээний эх үүсвэр

Батлан хамгаалах яамны стратегийн удирдлага, зохицуулалтын хэрэгцээний эх үүсвэр, нэн ялангуяа үндсэн үйлчлүүлэгч буюу хэрэглэгчийг зөв тодорхойлох нь тус яамны үйл ажиллагааны стратегийг үндэслэл сайтай тогтооход чухал ач холбогдолтой юм. Энэ хэрэгцээний эх үүсвэрт дор дурдсан үйлчлүүлэгч буюу хэрэглэгч хамрагдана.

БАТЛАН ХАМГААЛАХ ЯАМНЫ СТРАТЕГИЙН УДИРДЛАГА, ЗОХИЦУУЛАЛТЫН ХЭРЭГЦЭЭНИЙ ЭХ ҮҮСВЭР



Батлан хамгаалах яамны үндсэн үйлчлүүлэгч буюу хэрэглэгч нь Батлан хамгаалахын сайд, Засгийн газрын Тэнхим байна.

Батлан хамгаалах яамны стратегийн удирдлага, зохицуулалт нь дээр дурдсан хэрэгцээний эх үүсвэр, ялангуяа үндсэн үйлчлүүлэгч буюу хэрэглэгчийн эрэлт хэрэгцээг хангахтай холбогдон үүсэх олон төрлийн нарийн түвэгтэй харилцааг зохицуулахад чиглэнэ.

Батлан хамгаалах яамны стратегийн удирдлага, зохицуулалтын хэрэгцээг хангах үйлчилгээний хүрээ, төрөл, хэлбэрийг хэрэгцээний эх үүсвэр тус бүрээр тогтоон тус яамны зохион байгуулалтын бүтцийн нэгжүүдийн зорилт, чиг үүрэг, төрийн албан хаагчдын ажлын байр /албан тушаал/-ны тодорхойлолтод нарийвчлан тусгаж хэрэгжүүлнэ.

2.0. БАТЛАН ХАМГААЛАХ ЯАМНЫ ҮЙЛ АЖИЛЛАГААНЫ СТРАТЕГИ

2.1. Үйл ажиллагааны стратегийн мон чанар

Батлан хамгаалах яамны үйл ажиллагааны стратегийн мон чанар нь Засгийн газрын үйл ажиллагааны тэргүүлэх чиглэл, Засгийн газрын үйл ажиллагааны хөтөлбөр, Батлан хамгаалахын сайдын эрхлэх асуудлын хүрээний зорилт, чиг үүргийг хэрэгжүүлэхэд чиглэсэн Батлан хамгаалахын сайдын үйл ажиллагаанд өндөр мэргэшлийн, цаг үеэ олсон, шуурхай зөвлөгөө, бүх талын дэмжлэг үзүүлэхэд оршино.

2.2. Үйл ажиллагааны тэргүүлэх чиглэл

Батлан хамгаалах яам нь дор дурдсан үйл ажиллагааны тэргүүлэх чиглэлтэй ажиллана:

1. Батлан хамгаалах яамыг стратегийн төлөвлөлт, бодлогын удирдамжаар хангах, хөтөлбөржүүлэх, зохицуулах, хяналт-шинжилгээ хийх, үнэлгээ өгөх чиг үүрэгтэй төрийн захиргааны төв байгууллага болгох замаар үйл ажиллагааных нь үр нөлөө, үр ашгийг эрс дээшлүүлэх;

2. Эдийн засгийн зах зээлийн харилцааны онцлогт нийцүүлэн орон нутгийн хамгаалалтад тулгуурласан батлан хамгаалах тогтолцооны эрх зүйн үндсийг бүрдүүлэх;

3. Төрийн захиргааны төв, нутгийн захиргааны байгууллага, аж ахуйн нэгжүүдийн үйл ажиллагааг улс орны аюулгүй байдал, батлан хамгаалах эрх ашигт нийцүүлэн төрөөс зохицуулах хууль, эрх зүйн үндсийг бий болгох;

4. Зэвсэгт хүчний бүтэц, зохион байгуулалтыг шинэчлэн, тайван цагийн бүтэц, бүрэлдэхүүнээрээ байлдааны болон тусгай үүрэг гүйцэтгэх чадвар бүхий анги, салбаруудыг байгуулах;

2.3. Үйл ажиллагааны эрхэм зорилго

Батлан хамгаалах яамны үйл ажиллагааны эрхэм зорилго

Зэвсэгт хүчний мэргэшлийн чиг баримжаалт, чөлөөтөл болох, батлан хамгаалах улс төр, эдийн засах, нийгэм, зүг зүй, захирал мэдээлэл технологийн бүрдүүлэлтийг урьдчилан тусгаж үйл ажиллагааг зохицуулах, улсын зэвсэглэлийн бүрэн бүтэн байдлыг найдвартай хангах.

2.4. Үйл ажиллагааны стратегийн зорилт

Батлан хамгаалах яам нь эрхэм зорилгыгхоо хүрээнд үйл ажиллагааны стратегийн дор дурдсан зорилтыг хэрэгжүүлнэ:

1. Батлан хамгаалах үйл ажиллагааны стратегийн төлөвлөгөө, бодлогын удирдамжаар хангах;

2. Төрийн захиргааны удирдлагын манлайллыг хангах;

3. Батлан хамгаалах салбарын бодлогын хэрэгжилтийг зохицуулах;

4. Батлан хамгаалах үйл ажиллагааны стратегийн төлөвлөгөө, бодлогын хэрэгжилтэд хяналт-шинжилгээ /мониторинг/ хийх, үр дүнд нь үнэлгээ өгөх.

2.5. Үйл ажиллагааны гол зорилт

Батлан хамгаалах яамны үйл ажиллагааны стратегийн зорилт тус бүрийн хүрээнд тэдгээрийг хэрэгжүүлэхэд чиглэсэн дор дурдсан үйл ажиллагааны зорилтыг дөвшүүлэн ажиллана:

1.0. Үйл ажиллагааны стратегийн ногдуу зорилтын хүрээнд:

1.1. Улс орныг батлан хамгаалах урт, дунд, богино хугацааны стратегийн төлөвлөлт, бодлогын удирдамжаар хангаж, батлан хамгаалах салбарын бодлого, төлөвлөгөө, хөтөлбөр, төсөл боловсруулах;

1.2. Улсын дайчилгааны нэгдсэн төлөвлөгөө, төрийн захиргааны төв байгууллага, аймаг, нийслэлийн дайчилгааны даалгаврыг боловсруулах, тодотгох;

1.3. Гадаад орнуудтай цэргийн итгэлцлийг бэхжүүлэхэд чиглэсэн хамтын ажиллагааг өргөтгөн хөгжүүлэхэд мэргэжлийн зөвлөгөө, үйлчилгээгээр хангах.

2.0. Үйл ажиллагааны хөвдугаар зорилтын хүрээнд:

2.1. Төрийн захиргааны болон хүний нөөцийн удирдлагын манлайллыг хангах;

2.2. Батлан хамгаалах бодлогыг сурталчлах, хэрэглэгчдэд соёл, мэдээллээр үйлчлэх, олон нийттэй харьцах.

3.0. Үйл ажиллагааны стратегийн гуравдугаар зорилтын хүрээнд:

3.1. Бодлого, төлөвлөгөөний хэрэгжилтийг нэгтгэн зохицуулах;

3.2. Батлан хамгаалах төсвийн бодлогын хэрэгжилтийг зохицуулах.

4.0. Үйл ажиллагааны стратегийн дөрөвдүгээр зорилтын хүрээнд:

4.1. Батлан хамгаалах бодлого, төлөвлөгөө, хөтөлбөр, төсөл, хамтын ажиллагааны гэрээ, хэлэлцээрийн хэрэгжилтэд хяналт-шинжилгээ /мониторинг/ хийх, үр дүнд нь үнэлгээ өгөх;


4.2. Батлан хамгаалах салбарын мэдээллийн сан, дотоод сүлжээ байгуулах.

2.6. Үйл ажиллагааны зорилт

Батлан хамгаалах яамны үйл ажиллагааны гол зорилт тус бүрийн хүрээнд тэдгээрийг хэрэгжүүлэхэд чиглэсэн үйл ажиллагааны

зорилтыг тус яам тодорхойлж хэрэгжүүлнэ.
 2.7. Үйл ажиллагааны стратегийн загвар
 Батлан хамгаалах яамны үйл ажиллагаа /

бизнес-ны стратегийн загварыг дор дурдсанаар
 тодорхойлж байна:



3.0. БАТЛАН ХАМГААЛАХ ЯАМНЫ ҮЙЛ АЖИЛЛАГААНЫ БҮТЦИЙН ЕРӨНХИЙ ТОГТОЛЦОО, САНАЛ БОЛГОЖ БУЙ ЗОХИОН БАЙГУУЛАЛТЫН БҮТЭЦ, ТЭДГЭЭРИЙН ҮҮРЭГ, ЧИГ ҮҮРЭГ

3.1. Бүтцийн ерөнхий тогтолцоо боловсруулахад баримтлах зарчим

Батлан хамгаалах яамны үйл ажиллагааны бүтцийн ерөнхий тогтолцоо, санал болгож буй зохион байгуулалтын бүтцийг боловсруулахад дор дурдсан зарчмыг баримтална:

1. Засгийн газрын үйл ажиллагааны стратегитай уялдсан тухайн яамны стратегийн зорилтыг тусгасан байх зарчим /тухайн яамны үйл ажиллагааны бүтцийн ерөнхий тогтолцоо, зохион байгуулалтын бүтэц нь тус яамны үйл ажиллагааны стратегийн зорилттой уялдсан байх/;

2. Эрх мэдлийн ялгаа зааг нь тодорхой, итгэл хүлээхүйц байх зарчим /бүтцийн нэгжүүд, тэдгээрийн удирдах албан тушаалын түвшин, нэр нь аль нэгж ямар асуудал эрхэлдэг, аль албан тушаал ямар эрх мэдэлтэй болохыг тодорхой мэдэж болохуйц байх, тэдгээрийн ажлын уялдаа, ажиглах чадвар нь итгэл хүлээхүйц байх/;

3. Үзэгдэхүйц үйлчилгээний болон стратегийн удирдлагын баримжаатай байх зарчим /байгууллагын нэр, бүтцээс тухайн байгууллагын үйл ажиллагааны дүр төрх харагдахуйц байх, тухайлбал, яамны зохион байгуулалтын бүтэц, бүтцийн нэгжийн нэр нь түүний үйл ажиллагааны стратегийг тусгасан байх/;

4. Бүтцийн хувьд энгийн байх зарчим /тухайн яамны Төрийн нарийн бичгийн даргаас хамгийн доод

нэгжээ хүртэл аль болох цөөн /гурваас дээшгүй/ шат дамжлагатай байх/;

5. Тэнцвэрийг хангах, хяналтын хүрээг тогтоох зарчим /тухайн яамны үйл ажиллагааны стратеги, бүтцийн зөв зохистой тэнцвэрийг хангах замаар аль болох хялбар удирдах, хянах боломжтой байх, үйл ажиллагааны стратегийн зорилтыг аль болохоор оновчтой бүлэглэх замаар бүтцийн ерөнхий тогтолцоог тогтоосон байх, энэ нь удирдлагын чиг үүрэг, хүн хүчний болон бусад нөөцийг зөв хуваарилан хэрэглэгчийнхээ хэрэгцээнд нийцсэн үйлчилгээ үзүүлэх боломжийг бүрдүүлсэн байх/;

6. Улс төрийн хувьд төвийг сахисан байх зарчим /тухайн яамны төрийн захиргааны албан хаагч нь тухайн сайд, Засгийн газар /Танхим/, бусад үйлчлүүлэгч буюу хэрэглэгчдэд улс төрийн аливаа нөлөөлд автахгүй төвийг сахисан өндөр мэргэшлийн зөвлөгөө, бүх талын дэмжлэг үзүүлэх/;

7. Хангалттай чадавхи, бодитой үйл ажиллагааны зарчим /үйл ажиллагааны бүтцийн ерөнхий тогтолцооны загвар, зохион байгуулалтын бүтэц нь чадавхиа бүрэн дүүрэн илрүүлэхэд чиглэсэн хэрэгжихүйц бөгөөд ажиллах чадвар-тай байх.

3.2. Үйл ажиллагааны бүтцийн ерөнхий тогтолцооны загвар

Дээр дурдсан зарчим болон Батлан хамгаалах яамны үйл ажиллагаа (бизнес)-ны стратегийн загварыг үндэслэн тус яамны үйл ажиллагааны бүтцийн дор дурдсан ерөнхий тогтолцооны загварыг санал болгож байна:

БАТЛАН ХАМГААЛАХ ЯАМНЫ ҮЙЛ АЖИЛЛАГААНЫ БҮТЦИЙН ЕРӨНХИЙ ТОГТОЛЦООНЫ ЗАГВАР



3.3. Зохион байгуулалтын бүтэц

Батлан хамгаалах яамны үйл ажиллагаа /бизнес/-ны стратегийн болон бүтцийн ерөнхий тогтолцооны загвараас дор дурдсан зохион байгуулалтын бүтцийн нэгж урган гарч байна:

1. Стратегийн удирдлага, төлөвлөлт эрхэлсэн зохион байгуулалтын бүтцийн нэгж, түүний үндсэн үүрэг, чиг үүрэг

Энэ нэгж нь үйл ажиллагааны стратегийн нэгдүгээр зорилтын хүрээнд Батлан хамгаалахын сайдын эрхлэх асуудлын хүрээний бодлого, төлөвлөгөө, хөтөлбөр боловсруулах үндсэн үүргийг хүлээж, Зэвсэгт хүчнийг мэргэжлийн чиг баримжаатай болгон хөгжүүлэх урт, дунд, богино хугацааны стратегийн төлөвлөгөө, бодлогын удирдамжаар хангах, цэргийн шинжлэх ухаан, технологийн бодлого, хөтөлбөр, төсөл, улсын дайчилгааны төлөвлөгөө, даалгавар боловсруулах, цэргийн гадаад харилцаа, хамтын ажиллагааг хөгжүүлэхэд мэргэжлийн зөвлөгөө, үйлчилгээ, дэмжлэг үзүүлэх зэрэг үндсэн чиг үүргийг хүлээнэ.

Нэгжийн үйл ажиллагаа нь Батлан хамгаалахын сайд, Засгийн газрын Танхимын үйл ажиллагааны үр нөлөө, үр ашгийг дээшлүүлэхэд чиглэнэ.

Энэ нь Ерөнхийлөгч-Зэвсэгт хүчний Ерөнхий командлагч, Үндэсний аюулгүй байдлын зөвлөл, Батлан хамгаалахын сайд, Засгийн газрын Танхимын стратегийн төлөвлөлт,

бодлогын удирдамжаар хангахтай холбогдсон шийдвэр боловсруулан гаргах механизмд дэмжлэг үзүүлэх, Засгийн газрын гишүүн, Батлан хамгаалахын сайдыг шаардлагатай мэдээлэл, өндөр мэргэжлийн, цаг үеэ олсон шуурхай зөвлөгөө, үйлчилгээ, бүх талын дэмжлэгээр хангах замаар хэрэгжинэ.

Нэгжээс үзүүлэх үйлчилгээний үндсэн хэрэглэгч нь Батлан хамгаалахын сайд, дэд сайд, Төрийн нарийн бичгийн дарга, Засгийн газар /Танхим/ байх бөгөөд шууд бус хэлбэрээр энэ үйлчилгээг хэрэглэгч нь бусад яам, Засгийн газрын тохируулагч, хэрэгжүүлэгч агентлаг, төрийн холбогдох бусад болон хэвлэл мэдээлэл, олон нийтийн байгууллага, ард иргэд байна.

Энэ үйлчилгээг үзүүлэхэд оролцох гол түнш нь Санхүү, эдийн засгийн яам, Гадаад хэргийн яам, Хууль зүй, дотоод хэргийн яам, Засгийн газрын Хэрэг эрхлэх газар, аймаг, нийслэлийн Засаг дарга, тэдгээрийн Тамгын газар байна.

Энэ нэгжийн бүтцэд бодлого төлөвлөлтийн, улсын дайчилгааны, гадаад харилцаа, хамтын ажиллагааны хэлтсүүд ажиллана.

2. Төрийн захиргааны удирдлагын асуудал эрхэлсэн зохион байгуулалтын бүтцийн нэгж, түүний үндсэн үүрэг, чиг үүрэг

Энэ нэгж нь үйл ажиллагааны стратегийн хоёрдугаар зорилтын хүрээнд төрийн захиргааны

удирдлагын манлайллыг хангах үндсэн үүрэг хүлээж, хүний нөөцийн удирдлага, хөгжлийн асуудлыг шийдвэрлэх, мэдээлэл, соёл, хэвлэл сурталчилгааны ажлыг зохион байгуулах, захидал, өргөдөл, гомдлыг барагдуулах чиг үүргийг хэрэгжүүлнэ.

Нэгжийн үйл ажиллагаа нь чадварлаг төрийн албан хаагч бүхий төрийн захиргааны мэргэшсэн цомхон албаны хүчээр яамны тасралтгүй, хэвийн жигд ажиллагааг хангахад чиглэнэ.

Энэ нь Батлан хамгаалахын сайдад болон яамны аппаратад шийдвэр боловсруулан гаргах, хэрэгжүүлэхэд эрх зүйн болон дотоод үйлчилгээ үзүүлэх, шаардлагатай мэдээлэл, зөвлөгөө дэмжлэгээр хангах, удирдлагын соёл, чадавхийг дээшлүүлэх, тэргүүний арга барил, туршлагыг нэвтрүүлэх, төрийн захиргааны албан хаагчдыг сургаж хөгжүүлэх, тэдний үйл ажиллагаа, мэргэшлийн түвшинг нь үнэлж дүгнэх, ажиллах нөхцөл, нийгмийн баталгааг хангах замаар хэрэгжинэ.

Нэгжээс үзүүлэх үйлчилгээний үндсэн хэрэглэгч нь Батлан хамгаалахын сайд, дэд сайд, яамны Төрийн нарийн бичгийн дарга, зохион байгуулалтын бүтцийн нэгжүүд, төрийн захиргааны албан хаагчид байх бөгөөд шууд бус хэлбэрээр энэ үйлчилгээг хэрэглэгч нь Засгийн газрын тохируулагч болон хэрэгжүүлэгч агентлаг, цэргийн анги,

байгууллагууд, нутгийн захиргааны байгууллага, төрийн холбогдох бусад байгууллага, ард иргэд, бусад хэрэглэгч байна.

Энэ үйлчилгээг үзүүлэхэд оролцох гол түнш нь Хууль зүй, дотоод хэргийн яам, Засгийн газрын Хэрэг эрхлэх газар, боловсрол, сургалтын болон эрдэм шинжилгээний байгууллага байх болно.

Энэ нэгжийн бүтцэд төрийн захиргааны удирдлагын, хүний нөөцийн удирдлагын, хэвлэл, олон нийттэй харилцах хэлтсүүд ажиллана.

3. Батлан хамгаалах салбарын бодлогын хэрэгжилтийг зохицуулах асуудал эрхэлсэн зохион байгуулалтын бүтцийн нэгж, түүний үндсэн үүрэг, чиг үүрэг

Энэ нэгж нь үйл ажиллагааны стратегийн гуравдугаар зорилтын хүрээнд батлан хамгаалах салбарын стратегийн болон төсвийн бодлогын хэрэгжилтийг зохицуулах үндсэн үүрэг хүлээж, агентлаг, аж ахуйн нэгж, байгууллагуудын зэвсэглэл, техник, материал хэрэгслийн хангалтын бодлогын хэрэгжилтийг зохицуулж, төсвийн тэнцвэрт байдлыг хангах чиг үүргийг хэрэгжүүлнэ.

Нэгжийн үйл ажиллагаа нь Засгийн газар, Батлан хамгаалахын сайдын бодлогын хэрэгжилтийг зохицуулах, батлан хамгаалах бодлого ба зэвсэглэл, техник, материал хэрэгслийн нөөц, төсвийн тэнцвэрт байдлыг хангахад чиглэнэ.

Энэ нь нөөцийг оновчтой хуваарилах замаар бодлого хэрэгжүүлэхэд оролцож байгаа бүх байгууллагатай түншийн харилцаа тогтоож, тэдний үйл ажиллагааг бодлого, төлөвлөгөө, хөтөлбөрийг хэрэгжүүлэхэд чиглүүлэн зохион байгуулах, зохицуулах замаар хэрэгжинэ.

Нэгжээс үзүүлэх үйлчилгээний үндсэн хэрэглэгч нь Батлан хамгаалахын сайд, дэд сайд, Төрийн нарийн бичгийн дарга, Засгийн газрын холбогдох тохируулагч болон хэрэгжүүлэгч агентлаг байх бөгөөд шууд бус хэлбэрээр энэ үйлчилгээг хэрэглэгч нь бусад яам, олон нийт, цэргийн анги, байгууллага, төрийн өмчийн үйлдвэр, аж ахуйн нэгж байх болно. Энэ үйлчилгээг үзүүлэхэд оролцох гол түнш нь Санхүү, эдийн засгийн яам байна.

Энэ нэгжийн бүтцэд зохицуулалтын, санхүүгийн хэлтсүүд ажиллана.

4. Мэдээлэл, хяналт-шинжилгээ, үнэлгээний асуудал эрхэлсэн зохион байгуулалтын бүтцийн нэгж, түүний үндсэн үүрэг, чиг үүрэг

Энэ нэгж нь үйл ажиллагааны стратегийн дөрөвдүгээр зорилтын хүрээнд батлан хамгаалах салбарын бодлогын хэрэгжилт, төлөвлөгөө, хөтөлбөр, төсөл, хамтын ажиллагааны гэрээ, хэлэлцээрийн хэрэгжилтэд хяналт-шинжилгээ /мониторинг/ хийх, үр дүнд нь үнэлгээ өгөх үндсэн чиг

үүргийг хүлээж, батлан хамгаалах салбарын мэдээллийн сан, дотоод сүлжээ байгуулах чиг үүргийг хэрэгжүүлнэ.

Нэгжийн үйл ажиллагаа нь яамны бодлого боловсруулах, түүний хэрэгжилтийг зохицуулах, төрийн захиргааны удирдлагын манлайллыг хангах, үйл ажиллагааны үр дүнг дээшлүүлэхэд чиглэнэ.

Энэ нь бодлого, төлөвлөгөө, хөтөлбөр, төслийн хэрэгжилт, үр дагаврыг ажиглах замаар яамны бүтцийн нэгжүүдийн болон бодлого боловсруулах, хэрэгжилтэд оролцож байгаа бүх байгууллага, удирдах, гүйцэтгэх албан тушаалтны үйл ажиллагааг сайжруулахад чиглэсэн зөвлөгөө, дэмжлэгээр цаг тухайд нь хангах замаар хэрэгжинэ.

Нэгжээс үзүүлэх үйлчилгээний үндсэн хэрэглэгч нь Батлан хамгаалахын сайд, дэд сайд, Төрийн нарийн бичгийн дарга, яамны зохион байгуулалтын бүтцийн нэгжүүд, Засгийн газрын холбогдох тохируулагч агентлаг байх бөгөөд шууд бус хэлбэрээр энэ үйлчилгээг хэрэглэгч нь цэргийн анги, байгууллага, бусад хэрэглэгчид байна. Энэ үйлчилгээг үзүүлэхэд оролцогч гол түнш нь Засгийн газрын Хэрэг эрхлэх газар, эрдэм шинжилгээний байгууллагууд болон тооцоолох төвүүд байна.

Энэ нэгжийн бүтцэд хяналт-шинжилгээ, үнэлгээний, мэдээллийн сангийн хэлтсүүд ажиллана.

МОНГОЛ УЛСЫН ЗАСГИЙН ГАЗРЫН ТОГТООЛ

2000 оны 10 дугаар сарын 25-ны өдөр

Дугаар 166

Улаанбаатар хот

Зөвлөлийн бүрэлдэхүүн батлах, дүрэмд өөрчлөлт оруулах тухай

Засгийн газрын тухай хуульд нэмэлт, өөрчлөлт орсонтой холбогдуулан Монгол Улсын Засгийн газраас ТОГТООХ нь:

1. Гаалийн тарифын зөвлөлийн бүрэлдэхүүнийг хавсралт ёсоор шинэчлэн баталсугай.

2. "Дүрэм батлах тухай" Засгийн газрын 1996 оны 12 дугаар сарын 16-ны өдрийн 311 дүгээр тогтоолоор баталсан "Монгол Улсын гаалийн тарифын зөвлөлийн дүрэм"-д дор дурдсан өөрчлөлт оруулсугай:

а/ 5 дугаар зүйлийг "Зөвлөлийн дэд дарга нь Үйлдвэр, худалдааны дэд сайд, нарийн бичгийн дарга нь Үйлдвэр, худалдааны яамны

худалдааны бодлого, хамтын ажиллагааны газрын дарга байна" гэж өөрчлөн найруулах;

б/ 11 дүгээр зүйлд "Гаалийн ерөнхий газрын" гэснийг "Үйлдвэр, худалдааны яамны" гэж өөрчилсүгэй.

3. Энэ тогтоол гарсантай холбогдуулан Засгийн газрын 1996 оны 311 дүгээр тогтоолын 3 дугаар хавсралтыг хүчингүй болсонд тооцсугай.

МОНГОЛ УЛСЫН ЕРӨНХИЙ САЙД
Н.ЭНХБАЯР
ҮЙЛДВЭР, ХУДАЛДААНЫ САЙД
Ч.ГАНЗОРИГ

Засгийн газрын 2000 оны 166 дугаар тогтоолын хавсралт

МОНГОЛ УЛСЫН ГААЛИЙН ТАРИФЫН ЗӨВЛӨЛИЙН БҮРЭЛДЭХҮҮН

Дарга -Санхүү, эдийн засгийн сайд

Дэд дарга -Үйлдвэр, худалдааны дэд сайд

Гишүүд: -Үндэсний аюулгүй байдлын зөвлөлийн нарийн бичгийн дарга /тохиролцсоноор/;

-Үндэсний татварын ерөнхий газрын дарга;

-Улсын гаалийн ерөнхий газрын дарга;

-Батлан хамгаалах яамны Бодлогын хэрэгжилтийг зохицуулах газрын дарга;

-Байгаль орчны яамны Бодлогын хэрэгжилтийг зохицуулах газрын дарга;

-Боловсрол, соёл, шинжлэх ухааны яамны Шинжлэх ухаан, технологи, дээд боловсролын бодлого, зохицуулалтын газрын дарга;

-Гадаад хэргийн яамны Эрх зүй,

консулын газрын дарга;

-Дэд бүтцийн яамны Мэдээлэл, хяналт-шинжилгээ, үнэлгээний газрын дарга;

-Нийгмийн хамгаалал, хөдөлмөрийн яамны Стратегийн төлөвлөлтийн газрын дарга;

-Санхүү, эдийн засгийн яамны Эдийн засгийн нэгдсэн бодлого, төлөвлөлтийн газрын дарга;

-Хууль зүй, дотоод хэргийн яамны Бодлогын хэрэгжилтийг зохицуулах газрын дарга;

-Хүнс, хөдөө аж ахуйн яамны Стратегийн төлөвлөлт, бодлогын газрын дарга;

-Эрүүл мэндийн яамны Стратегийн төлөвлөлтийн газрын дарга.

Нарийн бичгийн

дарга -Үйлдвэр, худалдааны яамны Худалдааны бодлого, хамтын ажиллагааны газрын дарга.

МОНГОЛ УЛСЫН ЗАСГИЙН ГАЗРЫН ТОГТООЛ

2000 оны 11 дүгээр сарын 6-ны өдөр

Дугаар 168

Улаанбаатар хот

Тогтоолд өөрчлөлт оруулах тухай

Засгийн газрын бүтэц, бүрэлдэхүүн өөрчлөгдсөнтэй холбогдуулан Монгол Улсын Засгийн газраас ТОГТООХ нь:

1. "Хамтарсан комиссын Монголын хэсгийн

бүрэлдэхүүнийг шинэчлэн батлах тухай" Засгийн газрын 1997 оны 3 дугаар сарын 12-ны өдрийн 64 дүгээр тогтоолын 1 дүгээр зүйлийг дор дурдсанаар өөрчилсүгэй:

Монголын хэсгийн дарга	-Хууль зүй, дотоод хэргийн дэд сайд	мэргэжилтэн.	
Гишүүд:	-Үндэсний архивын газрын дарга; -Гадаад хэргийн яамны Төрийн захиргаа, удирдлагын газрын дарга; -Шинжлэх ухааны Академийн Түүхийн хүрээлэнгийн захирал;	2. "Хамтарсан комиссын Монголын хэсгийн бүрэлдэхүүнийг шинэчлэн батлах тухай" 1997 оны 3 дугаар сарын 12-ны өдрийн 64 дүгээр тогтоолын 3 дугаар зүйлд:	
	-Үндэсний төв архивын захирал; -Үндэсний архивын газрын судалгаа-арга зүй, хяналтын хэлтсийн дарга; -Зэвсэгт хүчний төв архивын дарга; -Засгийн газрын архивын эрхлэгч; Үйлдвэр, худалдааны яамны Мэдээлэл, хяналт-шинжилгээ, үнэлгээний газрын ахлах	"...ажиллуулахтай" гэснийг "ажиллуулах, архивын ажилтны мэргэжил дээшлүүлэхтэй" гэж өөрчлөн найруулсугай.	
		МОНГОЛ УЛСЫН ЕРӨНХИЙ САЙД	Н.ЭНХБАЯР
		ХУУЛЬ ЗҮЙ, ДОТООД ХЭРГИЙН САЙД	Ц.НЯМДОРЖ

МОНГОЛ УЛСЫН ЗАСГИЙН ГАЗРЫН ТОГТООЛ

2000 оны 11 дүгээр сарын 8-ны өдөр

Дугаар 169

Улаанбаатар хот

Аялал жуулчлалын улсын хяналтын дүрэм батлах тухай

хяналтын дүрэм"-ийн 2.10-ын "ж" заалтыг хүчингүйд тооцсугай.

МОНГОЛ УЛСЫН ЕРӨНХИЙ САЙД

Н.ЭНХБАЯР

ДЭД БҮТЦИЙН САЙД

Б.ЖИГЖИД

Аялал жуулчлалын тухай хуулийн 14 дүгээр зүйлийн 14.1.7 дахь заалтыг үндэслэн Монгол Улсын Засгийн газраас ТОГТООХ нь:

1. "Аялал жуулчлалын улсын хяналтын дүрэм"-ийг хавсралт ёсоор баталсугай.
2. Энэ тогтоол гарсантай холбогдуулан Засгийн газрын 1995 оны 210 дугаар тогтоолоор баталсан "Худалдаа, үйлдвэр үйлчилгээний улсын

Монгол Улсын Засгийн газрын 2000 оны 169 дүгээр тогтоолын хавсралт

АЯЛАЛ ЖУУЛЧЛАЛЫН УЛСЫН ХЯНАЛТЫН ДҮРЭМ

Нэг.Нийтлэг үндэслэл

улсын ерөнхий байцаагч, улсын ахлах байцаагч, улсын байцаагч /цаашид "улсын байцаагч" гэх/ хэрэгжүүлнэ.

3. Үйл ажиллагааных нь онцлогийг харгалзан төрийн захиргааны төв байгууллага, Засгийн газрын агентлагт ажиллах улсын байцаагчийг Дэд бүтцийн улсын хяналтын албаны дарга, орон нутгийн аялал жуулчлалын бодлогын хэрэгжилтийг хянан зохицуулах үүрэг бүхий байгууллагад ажиллах улсын байцаагчийг аймаг, нийслэлийн Засаг дарга, улсын ерөнхий байцаагчтай зөвшилцсөний үндсэн дээр томилж, чөлөөлөх бөгөөд улсын байцаагчийн эрхийг нь аялал, жуулчлалын асуудал эрхэлсэн Засгийн газрын гишүүн олгоно.

4. Улсын ерөнхий байцаагчийг аялал, жуулчлалын асуудал эрхэлсэн Засгийн газрын

1. Энэхүү дүрмийн зорилго нь Аялал жуулчлалын хууль болон бусад хууль тогтоомжид нийцүүлэн аялал жуулчлалын салбарт нийтээр дагаж мөрдөхөөр тогтоосон стандарт, дүрэм, журмын хэрэгжилтэд тавих захиргааны хяналт шалгалтыг хэрэгжүүлэхтэй холбогдсон үйл ажиллагааг зохицуулахад оршино.

2. Аялал жуулчлалын улсын хяналтыг улсын хэмжээнд Засгийн газрын тохируулагч агентлаг Дэд бүтцийн улсын хяналтын алба, аймаг, нийслэлийн Засаг даргын дэргэдэх мэргэжлийн хяналтын алба, орон нутгийн аялал жуулчлалын бодлогын хэрэгжилтийг хянан зохицуулах үүрэг бүхий байгууллага болон аялал жуулчлалын хяналтын талаар мэргэшсэн

гишүүн томилох, чөлөөлөх бөгөөд ерөнхий байцаагчийн эрх олгох асуудлыг Засгийн газар шийдвэрлэнэ.

5. Аялал жуулчлалын хяналтын улсын байцаагч нь үйл ажиллагаандаа Монгол Улсын холбогдох хууль тогтоомж, Засгийн газрын шийдвэр болон энэхүү дүрмийг удирдлага болгоно.

Хоёр.Аялал жуулчлалын улсын хяналтын чиглэл

6. Улсын хяналтыг дор дурдсан чиглэлээр хэрэгжүүлнэ:

а/аялал жуулчлалын талаар улсын хэмжээнд мөрдөж байгаа хууль тогтоомж, тэдгээрийг үндэслэн Засгийн газар, төрийн захиргааны төв байгууллагаас гаргасан шийдвэрийг хэрэгжүүлэх;

б/аялал жуулчлалын үйл ажиллагаа эрхлэх болон хөтөч-тайлбарлагчийн үйл ажиллагаа явуулах зөвшөөрөл олгох тэдгээрийн ангилал, зэрэглэл тогтоох журмын мөрдөлтийг хянаж, зөвшөөрөл эзэмшигч болон түүнийг олгогч байгууллагын үүргийн биелэлтийг хангуулах;

в/аялал жуулчлалын байгууллага болон жуулчны үйлчилгээний байгууллага, хөтөч-тайлбарлагчийн үүргийн биелэлтийг хангуулах, жуулчны баазын тухайн ангилал зэрэглэлд тавигдах шаардлага, холбогдох стандартын заалтыг мөрдүүлэх.

Гурав.Аялал жуулчлалын хяналтын улсын байцаагчийн үүрэг, эрх

7. Улсын байцаагч нь Төрийн хяналт шалгалтын тухай хуулийн 16 дугаар зүйлийн 2 дахь хэсэгт заасан улсын байцаагчийн нийтлэг үүргээс гадна дор дурдсан үүрэг хүлээнэ:

а/хяналт шалгалтыг энэ дүрмийн 6-д заасан чиглэлийн дагуу дангаар болон бусад байгууллага, мэргэжлийн хяналтын улсын байцаагчтай хамтран зохион байгуулж илэрсэн зөрчлийг арилгуулах арга хэмжээ авах;

б/аялал жуулчлалын тухай хуулийн 23.2-т заасан үүргийг биелүүлж ажиллах.

8. Улсын байцаагч нь Төрийн хяналт шалгалтын тухай хуулийн 27 дугаар зүйл, 21

дүгээр зүйлийн 7, 9-д заасан улсын байцаагчийн нийтлэг эрхээс гадна дор дурдсан эрх эдэлнэ:

а/аялал жуулчлалын тухай хуулийн 23.1, 30.1-д заасан эрхийг хэрэгжүүлэх;

б/аялал жуулчлан тухай хуулийн 30.1.1-д заасан үндэслэлээр хуурамч буюу хүчингүй болсон гэрээ, хэлэлцээр тусгай зөвшөөрөл худалдан авах зэргээр аялал жуулчлалын үйл ажиллагаа явуулсан бол орлогыг хурааж түүнийг аялал жуулчлалын санд төвлөрүүлнэ;

в/аялал жуулчлал эрхлэх зөвшөөрлийн хугацаа дууссан, зөвшөөрсөн үйл ажиллагааг зөрчсөн буюу аялал жуулчлалын үйлчилгээг зохих ёсоор бүрэн гүйцэтгээгүй, хууль тогтоомж зөрчсөн тохиолдолд тухайн байгууллага, аж ахуйн нэгжийн үйл ажиллагааг түр буюу бүрмөсөн зогсоох;

г/Монгол Улсын Захиргааны хариуцлагын тухай хуулийн 42, Аялал жуулчлалын тухай хуулийн 30 дугаар зүйлийг үндэслэн зөрчил гаргасан буруутай этгээдэд захиргааны шийтгэл ногдуулах;

д/жуулчны үйлчилгээнд бусад салбарын харилцааг зохицуулсан хууль, стандарт, дүрэм, журмаар тогтоосон шаардлагыг хангаагүй зөрчил илэрвэл энэ талаар холбогдох мэргэжлийн хяналтын байгууллагад тухай бүр мэдэгдэж уг зөрчлийг арилгуулах арга хэмжээ авах.

Дөрөв.Бусад

9. Улсын байцаагчийн албан шаардлагыг байгууллага, аж ахуйн нэгж нь хугацаанд нь биелүүлж, хариуг албан ёсоор өгөх үүрэгтэй.

10. Шалгагдсан байгууллага, аж ахуйн нэгж нь улсын байцаагчийн шийдвэрийг үндэслэлгүй гэж үзвэл гомдлоо уг шийдвэр гаргасан өдрөөс 10 хоногийн дотор шалгалт хийсэн байгууллагын эрх баригчид буюу улсын ерөнхий байцаагчид гаргана.

11. Гомдол гаргах нь торгууль, шийтгэврээр ногдуулсан төлбөр төлөхийг зогсоох үндэслэл болохгүй бөгөөд гомдлыг хүлээн авсан байгууллагын эрх баригч буюу улсын ерөнхий байцаагч нь түүнийг авсан өдрөөс 30 хоногт багтаан хянан шийдвэрлэнэ.



МОНГОЛ УЛСЫН ЗАСГИЙН ГАЗРЫН ТОГТООЛ

2000 оны 11 дүгээр сарын 8-ны өдөр

Дугаар 170

Улаанбаатар хот

Үндэсний зөвлөлийн бүрэлдэхүүний тухай

Монгол Улсын Засгийн газраас ТОГТООХ

нь: зохицуулах, хяналт тавих үүрэг бүхий Үндэсний зөвлөлийг дараахь бүрэлдэхүүнтэйгээр байгуулсугай:

1. "Хоршоог хөгжүүлэх нийгмийн хэмжээний хөтөлбөр"-ийг хэрэгжүүлэх ажлыг зохион байгуулах,

Дарга

-Хүнс, хөдөө аж ахуйн сайд

Гишүүд:

-Үйлдвэр, худалдааны дэд сайд;
 -Санхүү, эдийн засгийн дэд сайд;
 -Нийгмийн хамгаалал, хөдөлмөрийн дэд сайд;
 -Эрүүл мэндийн дэд сайд;
 -Гадаад хэргийн дэд сайд;
 -Монголын радио, телевизийн Хэрэг эрхлэх газрын дарга,
 -Үндэсний статистикийн газрын дэд дарга /тохиролцсоноор/;
 -Хүнс, хөдөө аж ахуйн яамны Стратегийн төлөвлөлт, бодлогын газрын дарга;
 -Албан бус боловсролын төвийн захирал;

-Монголын үйлдвэр, үйлчилгээний хоршоодын холбооны ерөнхийлөгч /тохиролцсоноор/;
 -Монголын хөдөө аж ахуйн хоршоолгчдын үндэсний холбооны ерөнхийлөгч /тохиролцсоноор/;
 -Монголын үйлдвэрлэлийн хоршооллын төв холбооны ерөнхийлөгч /тохиролцсоноор/;

-Монголын эд хэрэглэгчдийн хоршооллын төв холбооны ерөнхийлөгч /тохиролцсоноор/;
 -Монголын ардын аж ахуйтны хоршоодын холбооны ерөнхийлөгч /тохиролцсоноор/;

-Монголын хадгаламж, зээлийн хоршоодын холбооны ерөнхийлөгч /тохиролцсоноор/.

Нарийн бичгийн дарга

-Хүнс, хөдөө аж ахуйн яамны Бодлогын хэрэгжилтийг зохицуулах газрын дарга.

2.Энэ тогтоол гарсантай холбогдуулан "Хөтөлбөр батлах тухай" Засгийн газрын 1998 оны 8 дугаар сарын 12-ны өдрийн 145 дугаар тогтоолын 1 дэх заалтаас "...уг хөтөлбөрийг хэрэгжүүлэх Үндэсний зөвлөлийн бүрэлдэхүүнийг 2 дугаар хавсралтын..." болон "...тус тус..." гэснийг хүчингүй

болсонд тооцсугай.

МОНГОЛ УЛСЫН ЕРӨНХИЙ САЙД ХҮНС, ХӨДӨӨ АЖ АХУЙН САЙД

Н.ЭНХБАЯР

Д.НАСАНЖАРГАЛ

Монгол Улсын Их Хурлын Тамгын газраас гарган. Хаяг: «Төрийн мэдээлэл» эмхтгэлийн зөвлөл

Улаанбаатар-12
Төрийн ордон

☎ 329612
Индекс 14003

Улсын Их Хурлын Тамгын газрын Хялгэх хэсэгт хялгэв.

☎ 329487



ТӨРИЙН МЭДЭЭЛЭЛ

№ 50 (187)

МОНГОЛ УЛСЫН ИХ ХУРЛЫН ТОГТООЛ:

- *Ерөнхийлөгчийн хоригийн тухай*
- *Засгийн газрын бонд гаргахыг зөвшөөрөх тухай*

МОНГОЛ УЛСЫН ЗАСГИЙН ГАЗРЫН ТОГТООЛ:

- *Гаалийн татварын хувь хэтжээг өөрчлөх тухай*

Улсын Их Хурлын Тамгын газар

Улаанбаатар хот
2000 он